





BS 1199

.S37 N65

11759

c.1

Rare

DISSERTATIO PHILOLOGICO-EXEGETICA  
EXHIBENS  
SPICILEGIUM OBSERVATIONVM  
DE  
SERPENTE AENEO  
SERVATORIS CRUCI AFFIXI  
TYPO

NVM. XXI. 6-9. IOH. III. 14. 15.

---

QVAM  
ANNVENTE SVMMI NVMINIS GRATIA  
PRO LOCO  
IN AMPLISSIMO PHILOSOPHORVM ORDINE  
RITE OBTINENDO

---

D. VPI. APRILIS A. R. S. CIO IOCC LVIIII  
ERV DITORVM EXAMINI SVBIICIENT  
P R A E S E S  
IOH. HENR. VINCENT. NOELTING

HAMBVRGENSIS  
PHILOS. DOCTOR ET ORD. PHIL. ADIVNCTVS DESIGN.  
ET RESPONDENS  
IOHANNES LVDOVICVS SCHLOSSER

HAMBVRGENSIS  
SANCT. LITT. CVLTOR ET SOCIET. TEVT. QVAE IENAE  
FLORET SODALIS ORDINARIVS.

---

I E N A E  
LITTERIS- STRAVSSIANIS.






## PROOEMIUM



Nolo iam multus esse in enarrandis rationibus, quibus commotus hoc argumentum, in quo mea dissertatio versatur, prae aliis elegi eique notulas meas aspersi. Ratio enim est in promptu. Scilicet quum propter multas causas praecipue iis studiis, quae Philologiae orientalis nomine venire solent, me adhuc dicauerim et, si Deo visum fuerit, amplius me dicare in animo constituerim, argumentum hoc mihi maxime arrisit, in quo tractando virium mearum licet tenuium leue quidem, periculum tamen, facere possem. Accedit, quod in praelectionibus meis Hermeneuticis passim obseruavi, doctrinam de Typis in sacris litteris occurrentibus, licet illa a magni nominis viris tradita sit, forsan etiam amplius illustrari posse, neque ita exhaustam esse, vt plane nihil iam de ea vtiliter dici queat. Atque haec est ratio, cur has meas obseruationes tantum spicilegii instar iis addidi, quae ab aliis vberius sunt praecepta, et varia missa feci, quae in hanc rem commode dici et imprimis ex historia litteraria potuissent afferri. Et, quod praecipuum est, sectionem priorem maxime eam

ob causam praemissi, ut viderem, an, quod cepi, consilium aliquando perfici a me possit. Scilicet beat. s. i. BAUMGARTEN Elementa Hermeneuticae sacrae solidissime quidem sed succincte scripta illustrare atque regulas ad usum reuocare dissertationibus quibusdam incepit, quae sub titulo Institutionum Hermeneutarum prodire. Sed praematura Viri summi mors filum operis abruptit, adeo ut vltima harum dissertationum vltra vicefimam Breuiarii hermeneutici paragraphum non pertingat, atque ergo tantummodo prolegomenorum et capituli primi explanatio exhibeatur. Optandum sane esset, ut vir ex omni parte in hoc negotio versatus et Baumgartenio dignus Institutionum harum Hermeneutarum in se susciperet continuationem: cui quidem rei haud leue auxilium praebere possent praelectiones ipsius b. Viri in hoc breuiarium habitae, quae sine dubio, ut cetera eius scripta, mox lucem publicam videbunt. Licet ergo minime id mihi arrogem ut haec res tam commode, uti decet, a me tractari iam possit, tamen non omnino despero; sed, nisi eiusmodi continuatio ab alio instituatur, posthac operi huic me accingere animus est, modo vitam viresque largiatur summum, quod in coelis est, numen. Ne autem in suspicionem incurram temeritatis et arrogantiae, quam vtramque detestor, paucis hisce videre volui, quid valeant humeri, quid ferre recusent: qua quidem de re penes alios sit iudicium. Quod autem ad sectionem posteriorem attinet, plura de eius argumento, et quae sit instituti ratio, in ipsa tractatione dicendi locus erit. Quare prooemio meo, quod forsitan iam modum excessit, finem impono, me meosque conatus B. L. eo, quo decet, animi cultu commendaturus.

DISSER-



DISSERTATIO  
EXHIBENS  
SPICILEGIUM OBSERVATIONVM  
DE  
SERPENTE AENE O  
SERVATORIS CRUCI AFFIXI  
T Y P O.

---

SECTIO I.  
DE SYMBOLIS IN SACRIS LITTERIS  
OCCVRRENTIBVS

§. I.



*S*ymbolum est id, per quod alius repraesentatio debet excitari. Hoc vero, cuius repraesentatio per symbolum est excitanda, appellari potest *Antisymbolum*.

Nota 1. Symbolum ergo 1) sensu percipiatur necesse est; 2) ab ente intelligente ad hunc finem adhibeatur; 3) talis symbolum inter eiusque antisymbolum intercedat relatio, ut, quum illud sensu percipitur, huius repraesentatio commode excitetur.





2. *Verba* generalissimo significato vocantur signa quaevis ad excitandas repraesentationes adhibita. Patet inde, quomodo symbola et verba inter se conveniant et quanam sit *linguae symbolicae* seu *hieroglyphicae* ratio, de qua acute atque solide egit cel. IO. DAV. MICHAELIS in *dem Entwurf der Typischen Gottesgelahrheit* Goett. 1753. 8. cap. I. §. I. ff.

3. Neque adeo insolens est linguae symbolicae in vita communi usus. Afferam duo exempla notatu digna, alterum ex profana historia, alterum ex sacra, quorum illud excel. HERM. SAM. REIMARO, hoc excel. IO. GEORG. TYMPIO debeo, quibus duumviris omni laude maioribus, praeceptoribus meis ad cineres deueniendis, si quid est in me in his litteris ingenii, quod sentio quam sit exiguum, id certe omne acceptum refero. Scilicet Aristoteles, teste GELLIO Noct. Artic. I. XIII. c. V. quum moriens rogaretur a discipulis, ut ipse deligeret magisterii sui successorem, atque prae aliis ingenio, et doctrina eminere Theophrastus Lesbium et Menedemus Rhodius, afferri iussit vinum et Lesbium et Rhodium. Et Rhodio quidem degustato: *Firmum*, inquit, *bercle, vinum et iucundum*. Petiit mox Lesbium; quod item degustato: *Vtrumque*, inquit, *oppido bonum, sed ἡδίων ὁ Λέσβιος*. Id ubi dixit, nemini fuit dubium, quin successorem illa voce sibi elegeret Theophrastum Lesbium, hominem linguae pariter ac vitae suauitate insignem. Alterum exemplum relatum legimus I Sam. XX. 18-22. Ionathan, Sauli filius, pacto promisit Dauidi, se ipsi, quis sit patris sui in eum animus, indicaturum esse, idque hac ratione. Iussit Dauidem residere in valle iuxta lapidem Asel, seque illuc cum puero aliquo assumtis arcu



arcu et sagittis venturum expectare. Promisit se emissurum has sagittas, quasi ad metam eas proiceret, atque puero suo dicturum: *Affer mihi sagittas, quas emisti.* Quodsi autem puero accursuro acclamarret: *Ecce sagittae horsum seu a tergo tuo iacent;* id signum Dauidi esse debebat, ipsum redire posse ad regem. Sin vero clamaret: *Ecce sagittae ultorius seu coram te iacent;* Dauides inde colligere debebat, sibi amplius etiam ab aula regia esse discedendum. Stetit ex pacto Jonathan, et Dauides ita admonitus ex praesentissimo mortis periculo, quam ipsi Saulminatus fuerat euasit conf. v. 35. ff. Ex his exemplis et symbolorum et antisymbolorum ratio generatim cognosci, atque ea, quae breuibus de iis dicta sunt, nullo negotio poterunt illustrari.

## §. II.

Haec de symbolo generatim. Iam de symbolorum discrimine etiam pauca verba facienda erunt. Quod ut rite et ordine fiat, distinguendum mihi videtur discrimen symbolorum ipsorum ab illo, quod repeti solet ex antisymbolorum, ad quae referenda sunt, discrimine. Quod attinet ad symbola ipsa, duo imprimis consideranda veniunt momenta, *primo* symboli in se considerati ratio, *deinde* relatio eius ad antisymbolum suum.

## §. III.

In ipsius symboli quum inquirimus rationem, eius et naturam et existentiam inspiciamus necesse est, seu, quod idem est, quaeramus *primo* ad quas rerum species referendum sit, et *deinde*, num vere existat, an vero tantummodo imaginationis ope quasi vere existens repraesentetur.

## §. IIII.




## §. III.



Duplex est symbolorum ipsorum eorumque quoad naturam suam spectatorum ratio: vel enim ad vnam tantum rerum speciem vel ad plures simul simul potest referri. Illud *simplex* hoc *compositum* audit. De illius discrimine potissimum agendum erit, quo perspecto facile huius natura componi poterit.

## §. V.

Symbolum igitur simplex aut est res animata s. viuum quid, aut non. Illud vocatur symbolum *personale*, hoc *reale*. Sic v. gr. summus sacerdos symbolum personale fuit Messiae Hebr. VIII. 11.

Nota. Duo imprimis hic obseruari merentur, scilicet

1) symbolum personale non necessario ex eadem animatorum specie esse debere, ex qua antisymbolum est, modo sit viuum quid. V. c. agnus paschalis symbolum fuit Christi pro peccatis nostris immolati 1 Cor. V. 8. 2) et symbolum reale adhiberi posse ad excitandam personae alicuius seu antisymboli personalis repraesentationem. Ita in exemplo ad §. I. Not. 3. allato vinum Lesbium symbolum erat Theophrasti Lesbii, Rhodium Menedemi Rhodii. Itemque v. v. persona potest constitui et accommodari in symbolum rei cuiusdam. Sic Hagar a Paulo Gal. III. 24. ff. accommodatur in Typum V. T. et ratio additur, quod vox *Arag* in Arabia significet montem Sina. Scilicet radix  signif. in coni. VIII. *lapidosa fuit* (terra), et nomen subst.

 eiusque fem.  *lapis*. Et sane mons Sinai admodum petricosus est, vti patet ex *Pocockii*



ckii Descriptione Orientis p. 143. ff. edit. Anglic.  
seu p. 228. ff. vers. germ.

§. VI.

Symbolum porro reale varium esse potest. Pro scopo autem nostro illud ita distinguamus, ut vel sit actio entis animati vel non. Illud vocatur *symbolum actionis* seu *actio symbolica* hoc *symbolum reale* in strictiori significato sumitur. Tabernaculum v. c. et templum realia fuere oeconomiae salutis sub nouo foedere symbola, et introitus summi sacerdotis in tabernaculum ad spargendum sanguinem et suffitum faciendum symbolum actionis fuit negotii mediatorii Seruatoris quo redemptionem aeternam hominibus comparauit Hebr. VIII. 11. 12.

§. VII.

Ex his quae §. V. et VI. dicta sunt, facillime, quae sit symboli *compositi* natura perspicui potest. Quum nimirum factum aliquod ex persona, eius actione et huius obiecto, itemque vtriusque circumstantiis combinatum, atque adeo ut totum aliquod ex plurium partium combinatione confectum fuerit ad alterius cuiusdam facti repraesentationem excitandam, tum habebis symbolum *compositum* seu *totale*. Exempli loco sumi potest agni paschalis mactatio ac comestio ab Israelitis instituenda, et ritus, qui in hoc negotio obseruari debebant.

§. VIII.

Iam ad alterum illud, quod §. III. annotaui, momentum in symbolis considerandum progrediamur, et discrimen eorum, quod inde oritur, paullo curatius disquiramus. Symbolum scilicet aut vere seu, uti loqui amant, in rerum natura existit ut non h. e. imagi-



nandi arte tantum ita repraesentatur ac si existeret. Illud vocari solet *symbolum actuale* seu *typus*, hoc *symbolum fictum* seu *parabolicum*. Typi autem antisymbolum audit *Antitypus*. Typorum ergo exempla conspici poterunt in §§. praecedentibus; parabolicum autem symbolum exhibent v. c. septem vaccae atque septem spicae pingues et bonae aequae ac alia graciles et tenues, quae in somnio offerebantur Pharaoni ad praefigurandas septem annos, in quibus annona abundatura esset, nec non sequentes alios annos eiusdem annonae caritate et inde oritura fame funestros Gen. XXXXI. 1. ff.

Nota 1. Sermo, quo typus ipse proponitur hominibus, audit *sermo typicus*, ille vero, qui symbolum parabolicum proponit, *parabola* seu *sermo parabolicus* vocatur. Vtrumque vocabulum in sacris literis occurrit, sed non vno significato. Nimirum *τυπος* varie quidem accipitur, ut videre est in locis a Schoetgenio in Lexico adductis: sufficit tamen, eius usum non abhorreere ab isto, quem illi tribuere solemus, significato, ut patet ex Rom. VI. 17. 1 Cor. X. 6. 1 Petr. III. 21. et Hebr. VIII. 24. licet in ultimo loco vocabulum *αντιτυπος* non significet id, quod nos antitypum vocamus sed idem sit ac *τυπος*. Quod vero ad vocem *παρεβολη* attinet, illa a rad. *παρεβαλω* *traicere* v. gr. nauem ad litus oppositum maris aut fluminis Act. XX. 15. innuit *transitum ab una re ad alteram* et metaph. *comparisonem*, quae ad maiorem rei alicuius illustrationem mente transimus ad aliam ei similem et redimus ad applicandam, quam inde petimus, similitudinem. Quae quidem generalior idea in omnibus illis significatibus locum habet, in quibus haec vox occurrit in N. Tto. Et enim significat 1) *comparisonem*, *illustrationem ex simili* siue *expressam* Marc. III. 30. siue *latentem*



*tem* Luc. V. 36. ff. quo et referendum puto Marc. VII. 17. vbi sermo a Christo prolatus a discipulis pro parabola, hoc est, pro illustratione ex simili habebatur; 2) *sermonem parabolicum* seu *parabolam* in strictiori significato Matth. XIII. 3. 10. 13. 18. 34. 35. Quid autem eiusmodi parabola est nisi declaratio rei alicuius petita ex alia re, ad eius similitudinem cum ratione efficta; 3) *adagium* Luc. III. 23. h. e. dictum, ad elegantius exprimendam rem generaliore, petitem a re quadam specialiori sub generali illa contenta tritumque vsu continuo. 4) *sermonem rem aliquam exemplo illustrantem* Luc. XIII. 7. vbi eadem fere ratio obtinet. 5) id quod nos vocare solemus *typum* Hebr. VIII. 9. XI. 19. Marc. XIII. 28. h. e. repraesentationem rei alicuius in re alia vere existente, adeo vt illius ratio perspicui commode possit et debeat transitu quasi attentionis facto ad huius conditionem, eiusque et inquisitione et applicatione instituta. Egrege autem vocis *παράβολη* significatio conuenit cum Hebr. *משל* pro quo etiam a Mathaeo c. XIII. 35. coll. Pf. LXXVIII. 2. XXXXVIII. 5. licet allegatione, quod ad hanc ipsam vocem attinet, liberiori, nec non a LXX Interpr. I Reg. III. 32. substituitur. Radix enim *משל* proprie signif. *premendo* seu *imprimendo* vel *premente manu tractare* atque inde metaph. mox *dominari* h. e. quasi manum inhibere Prou. XVI. 32. mox *assimilare*, quasi similitudine formam alicuius rei curate exprimere Pf. XXVIII. 1. Ef. XXXVI. 5. Nomen ergo *משלים* ex posteriori radice significatu suum significatum repetens denotat *similitudines* Iob. XIII. 12. *acutas et sententiosas dictiones, quas mentibus impressas volumus* Prou. I. 1. siue sint historicae Pf. LXXVIII. 2. ff. siue parabolicæ Ex. XVII. 2. ff.



siue metaphoricæ et allegoricæ Num. XXVIII. 18. ff. XXIII. 3. ff. siue etiam adagia 1 Sam. X. 12.

Nota 2. Symbolum parabolicum vel, si mauis, parabola, ita imprimis comparatum sit, necesse est, vt speciem veri habeat, adeo vt totum seu compositum symbolum parabolicum eo plâne modo in rerum natura existere possit. In hoc enim latet discrimen parabola a *fabula*. Licet enim in fabula actiones et facta cum ratione et verisimilitudine necti inter se et combinari debeant, tamen ea, quae rō materialē quasi fabulae constituunt, abhorreere possunt ab eo, quod actu fit. Possunt v. gr. bestiae, immo res inanimatae, cum ratione loquentes et agentes induci, id quod in parabola non item fieri licet. Admittit autem regula ista exceptionem, quando ab ipso DEO symbolum aliquod parabolicum hominum animis obiiicitur. Quemadmodum enim DEUS in ipsa rerum natura ea, quae naturaliter non fiunt, per omnipotentiam suam absolutam supranaturaliter efficere potest, ita et ipso non indignum est, tales actiones et effectus parabolice proponere, quae absque miraculo fieri haud possent. Huius rei vestigium praesto adest in parabolico Pharaonis symbolo, saltem quod ad spicas attinet.

Nota 3. Porro parabola: s. sermonis parabolici discrimen erit notandum. Is enim aut absolvitur sermone proprie sic dicto aut improprio h. e. vel visione ecstastica vel somnio. Si illud, parabola vocatae *parabola sermonis* si hoc *parabola* vel *visionis* vel *somnii*. Prioris exempla quamplurima occurrunt in N. Tto, eaque a Seruatore optimo maximam partem ad exhibendam regni coelorum i. e. oeconomiae salutis sub nouo foedere rationem prolata. Parabola  
somnia



somnii v. c. etiam fuit ea, quae contigit Iosepho Gen. XXXVII. 5. ff. de fratrū suorum manipulis erga manipulum suum sese incuruantibus, deque sole, luna atque undecim stellis eodem cultu eum prosequentibus, quo utroque symbolo ipsius dignitas praefigurabatur, ad quam in Aegypto euehendus erat; et ubi tam pater quam fratres ipsum venerari aequae ac ipsius auxilium implorare debebant Gen. XXXXI-XXXVII. Denique et parabolae visionis occurrunt nonnulla in litteris sacris exempla. Ita v. c. Act. X. 10. ff. legimus, in visione ecstasica de coelo demissum et oblatum fuisse Petro lintheum animalibus impuris refertum, ut de iis comederet. Quod utique symbolum fuit ethnicorum et praecipuae familiae Cornelii ministerio Petri aequae ac ceterorum apostolorum ministerio ad puriorem coetum Servatoris adducendorum.

Nota. 4. Denique ex iis, quae adhuc allata sunt, *sensus symbolici* eiusque et *typici* et *parabolici* notiones facili negotio elici possunt, quibus enarrandis itaque merito superfedemus.

### §. VIII.

Haec de eo symbolorum discrimine, quod observamus attendendo ad symbola ipsa. Sed et spectari potest relatio symboli ad antisymbolum suum (§. II.) Quam quidem relationem consideremus tam quoad naturam quam quoad existentiam suam. Natura huius relationis consistit vel in nexu symboli cum antisymbolo, eoque vel reali vel temporis et loci, unde *symbolum naturale*, cuius exemplum est arcus, de quo mox plura, vel in similitudine, quae symbolum inter et antisymbolum intercedit, unde *symbolum arbitrarium*.





## §. X.

Ad existentiam autem huius relationis quod attinet, illa est aut necessaria aut accidentalis; seu, quod idem est, symbolum aut ob solam eam rationem eumque in finem existit, ut sit symbolum alius rei, aut per se existit, post autem ab aliquo ente intelligente ad aliud quid, ut eius symbolum constituat, accommodatur. Illud *symbolum merum* hoc *concomitans* audit.

Nota 1. Patet ergo, symbola parabolica esse symbola mera. Etenim parabola veri nominis id, quod enarrat, fingit, et eum quidem in finem, ut eius repraesentatio excitet alterius rei repraesentationem. Existencia ergo, ut ita dicam, imaginaria symboli parabolici eiusque ad antisymbolum suum relatio sufficientem sui rationem petit ex antisymbolo, adeoque est necessaria; et plane illud non effectum fuisset, nisi ipsius auctor hunc finem spectasset.

Nota 2. Patet porro, symbola concomitantia ut talia ante certo cognosci non posse, quam accommodatio fiat, et ab eo quidem, qui auctoritate pollet, seu qui vel ipse symbolum aequae ac antisymbolum disponere potest, vel saltem mentem eius et finem in hoc negotio spectatum certo perspicit.

Nota 3. Illustrari haec poterunt exemplis utriusque symbolorum speciei in scriptura sacra obuiis. Typus v. c. merus fuit factum illud Ieremiae, quum iussu DEI lagenam figuli praesentibus populo et sacerdotum senioribus in valle ben Hinnom seu Topheth frangeret ad praefigurandum Urbis excidium Ierem. XVIII. 1. ff. Concomitantis autem typi exemplum sistit arcus intra atmosphaeram terrae conspicuus post pluuiam. Etenim ille sine dubio et ante diluvium existit.



existit. DEUS vero postmodum eum in symbolum constituit gratiae suae erga homines foederisque cum iis et omnibus viventibus erecti, quo pollicitus est, se nunquam porro orbem terrarum eiusque incolae esse perditurum cf. Gen. VIII. 9. ff.

### §. XI.

Haec de symbolorum interno discrimine. Sed et vulgo aliqua eorum distinctio solet constitui, quae petita est ex discrimine earum rerum, ad quas tanquam antisymbola sua sunt referenda, Quae quidem et quoad naturam suam et quoad existentiam considerantur.

### §. XII.

Natura antisymbolorum consistit in veritatibus seu dogmatibus per symbolum figurandis iisque vel theoreticis, seu quae aliquid esse docent, siue practicis, seu quae aliquid fieri ab hominibus iubent. Symbolum ergo, cuius antisymbolum continet dogmata theoretica, symbolum *dogmaticum* in significato stricto, id vero, cuius antisymbolum veritates practicas infert, *tropologicum* appellatur.

Nota 1. Vocabulum *dogma* hic accipitur in significato generali, ubi et veritates historicas sub se comprehenditur, idque eam ob causam, quoniam in antisymbolis ut totum aliquod et compositum spectatis utriusque generis dogmata iunctim occurrere solent.

Nota 2. Symbolorum dogmaticorum exempla plura adfuerunt allata in praecedentibus. Symbolum autem tropologicum est v. gr. quod a Christo proponitur in parabola Matth. XVIII. 23-34. Conf. enim v. 35.

Nota



Nota 3. Denique et id obseruandum est, denominationes has in casu obuio fieri a potiori et a praecipuo, qui in symbolo aliquo spectatur, scopo. Alias enim saepe et theoretica dogmata et practica in vno symbolo, quando vt totum spectatur, occurrunt.

### §. XIII.

Existencia antisymbolorum hic praecipue consideratur in relatione ad symbola sua, adeoque, quum antisymbolum vel ante symbolum suum iam exstiterit, vel eodem tempore cum eo coexistat, vel post illud demum ad actum sit perducendum, triplex inde petitur discrimen in symbolum *praeteritorum, praesentium et futurorum*. Futura autem quum vel in hac vita vel post eandem demum euentura sint symbola hoc respectu in *prophetica* stricte dicta et *anagogica* solent dispesci.

Nota 1. Equidem confiteor, discrimen hoc in interna symbolorum natura nihil fere immutare. Sedandum est aliquid vsui loquendi, praesertim quum postremae denominationis vsus in ipsis sacris litteris reperiatur Rom. V. 14.

Nota 2. Ad symbola praeteritorum referri commode potest celebratio sabbathi septimo hebdomadis die ad creationis opus eiusque in septimo die cessationem itemque tranquillitatem populo Israelito post labores molestissimos in Aegypto domo seruitii a DEo concessam in animum reuocandam instituenda cf. Ex. XX. 8-11. Deut. V. 12-15. symbolum praesentium fuit in V. T. distinctio purorum animalium ab impuris, qua summa animi cura ad vitandam spiritualem impuritatem debuit excitari. Symboli prophetici exemplum praebuit Seruator, quum discipulo-

rum



rum pedes lauaret, typum atque exemplar amoris mutui ipsis exhibens Io. XIII. 3-15. Denique parabola de agro a zizaniis tempore demum messis purgando symbolum exhibet separationis improborum a piis per iudicium extremum a Christo totius orbis terrarum iudice instituendae Matth. XIII. 24-30. coll. 36-43.

### §. XIII.

Haecenus de symbolorum natura et discrimine. Iam porro pauca de symbolis in scriptura sacra obuiis obseruationes addamus, et inter alia id praecipue notemus, quod ad eorum explicationem mox breuibus quoque tractandam, et speciatim ad scopum dissertationis maxime facit, qui in eo consistit, vt vera typi Mosaiici, qui serpentem aeneum vt seruatoris cruci affixi symbolum exhibet, ratio curatius perspici possit.

### §. XV.

Obseruemus ergo *primo*, Fundamentum sermonis symbolici et symbolorum ipsorum, quorum haud exiguas numerus in Sacris Litteris occurrit, repetendum esse non tantum ex possibili h. e. ex eo, quod rei alicuius repraesentatio per symbolum aliquod commode excitari possit, sed praecipuae ex ea Iudaeorum consuetudine, qua veritates praesertim abstractas ita sibi proponi cupiebant, vt et sensus atque imaginatio in iis percipiendis afficerentur et sese exsererent. Hanc enim loquendi rationem iam in Patriarchis obseruamus v. gr. in vltima benedictione Iacobi Genes. XXXVIII. Et, quod hic inprimis notatu dignum est, Aegyptios eius valde amantes fuisse testatur rex ipsorum, qui, ex quo somnia quaedam peculiaria habuerat, sta-



tim aliquid symbolici illis inesse suspicabatur, atque ad ea interpretanda omnes sapientes Aegypti conuocari iubebat Gen. XXXXI. Conf. et c. XXXX. vbi eadem in ministris regis ratio apparet. Quum ergo et Moses in Aegypto ad aulam regiam educatus et sapientia Aegyptiorum inde a tenerrima aetate instructus esset, atque porro Israelitae per tot annos commercium cum Aegyptiis habuissent intimum, facile haec docendi agendique methodus ad eos transire ipsisque familiarior reddi potuit.

Nota. Absit vero, vt faueamus hypothese illi Spence-rianæ, quae sine dubio in excessu peccat et disertis scripturae sacrae verbis repugnat, quibus DEus serio Israelitis interdixit, peregrinorum populorum ritus et statuta affectare.

#### §. XVI.

Obseruemus *porro*, verba illa, quibus symbola proponuntur, mox proprio significato mox metaphorico fuisse adhibita, adeoque nec significatum proprium cum litterali nec metaphoricum cum symbolico confundi debere. Docet hoc ipsa rei consideratio. Aliud enim prorsus est fundamentum distinctionis significatus proprii ab improprio et speciatim metaphorico, aliud, quo nititur discrimen litteralis significatus a symbolico. Illud inde petitur, an idea per vocabulum ita significetur, vt ad illam denotandam primum confictum sit, an vero non. Hoc vero in eo latet, an idea haec offerat obiectum per se vel vt symbolum alterius porro obiecti spectatum. Vbi autem fundamenta distinctionis diuersa sunt, ibi et ipsae distinctiones diuersae sint necesse est. Vnicum tantummodo exemplum afferam, quo haec, quae iam dixi magis illustrari poterunt. DEus Mosen iussit curare, vt conficeretur כַּפֶּרֶת idque arcae foederis im-  
impo-

imponeretur Ex. XXV. 17. 21. Quod si iam inquirendum est in vocis significatum, is repetendus erit ex rad. כפר quod in Kal signif. *pice obducere* Gen. VI. 14. in Piel autem, ex qua coniugatione hoc nomen formatum est, *expiare* sc. peccata, delicta, quasi operire, ne a DEo iudice seuerissimo conspiciantur. punianturque cf. Ex. XXX. 10. Gen. XXXII. 20. Ergo nomen optime redditur: *Operculum expiatorium*. Qui quidem significatus illustratur atque confirmatur amplius per vsum illum, cui hoc operculum erat destinatum. Scilicet sacerdos summus in die expiationis aliquid sanguinis iuueni aequae ac hirci in sacrificium piaculare offerendi spargere versus hoc כפרה eoque expiationem instituere debebat peccatorum, quae forte per annum praecedentem fuerant admissa Leu. XVI. 14. ff. Hic ergo est verus isque proprius vocis huius significatus scil. operculum, cum quo actio illa expiatoria in festo expiationis erat instituenda, quoniam ad hanc ideam exprimendam vocabulum hoc efformatum fuit. Sed ipsa haec significatio propria simul symbolica et quidem typica fuit. Etenim operculum hoc typice se referebat ab Christum seruatorem, qui per sanguinem suum expiationem totius mundi et omnium peccatorum erat institurus, ceu patet ex Hebr. VIII. 5. coll. Rom. III. 24. et Hebr. III. 16. Quum ergo in vno eodemque vocabulo sub iisdem circumstantiis propria simul et symbolica significatio locum habere possit, sequitur, nec propriam significationem cum litterali nec metaphoricam cum symbolica pro vna habendam esse. In quem errorem et ii incidere videntur, qui mediatum seu symbolicum sensum in typicum, allegoricum et parabolicum dispefcunt.



## §. XVII.

Notemus *tertio*, vnicitatem sensus scripturae sacrae neuiquam tolli, quum asserimus, verba praeter immediatum seu literalem sensum simul et mediatum seu symbolicum sensum habere posse. Facile hoc liquet, modo haec regula: Verus S. S. sensus vnicus est, rite intelligatur. Id enim ea infert: Verba in sacris literis obuia non possunt, simul ideas plures significare, quarum vna alteram tollit. Quem quidem sensum recte huic regulae tribui, patet ex illis rationibus, quibus ea demonstratur, nimirum quia impossibile est, vt auctor in animo habuerit per eadem verba in nexu proposito plures cogitationes, quarum vna alteram tollit, excitare, et deinde, quia alioquin certitudo sensus S. S. infringeretur. Iam vero sole clarius est, significatum literalem et mediatum plane non inuoluere huiusmodi ideas. Etenim vocabulum in significato literalis sumtum exhibet ideam tantummodo rei per se spectatae; accedit significatus symbolicus, i. e. eadem res vt symbolum quoque alius rei spectat. Manet ergo eadem idea, sed perficitur et quasi complemento externo, relatione scilicet ad aliam rem vt suum antisymbolum, intenditur. Ergo quum harum idearum altera alteram plane non tollat, neque certitudo sensus S. S. hac ratione infringatur, quoniam non pro luitu fingere significatum symbolicum licet, sed ille ex certis rationibus, vt mox videbimus, probari debet; consequens est, vnicitatem sensus S. S. etiam in sensu symbolico saluam manere. Alia prorsus ratio est in sensu proprio atque improprio, qui plane non ita consistere possunt, vt iisdem verbis simul intendantur; sed, vbi proprius sensus obtinet, de improprio simul cogitari nequit et v. v. Exemplum addo. Ioannes seruatoris praecursor Matth. III. 7. Phariseos et Sadduceos vocat γενήματα ἐχιδνῶν. Quae quidem expressio  
sine



sine dubio metaphorice. significat *homines viperis natura maligna similes*, atque adeo propria significatio progeniei viperarum hic prorsus exulare debet, quippe quae cum impropria vni eidem subiecto inesse nequit.

§. XVIII.

*Quarto* obseruemus, symbolum arbitrarium (§. VIII.) in iis praecipue momentis conuenire cum antisymbolo quae ad scopum spectant, hancque similitudinem et sufficere et saluam manere, licet in aliis momentis prorsus ab eo discrepet. Nimirum symbola eo fine adhibentur, vt praecipuae quaedam alius obiecti affectiones sensuali et emphatica ratione animo offerantur, quod quidem in symbolo arbitrario ita fit; vt similes affectiones in eodem conspicuae attendantur et imaginis instar ad antisymbolum referantur et applicentur. Quum ergo symboli huius scopus non sit extendendus ad totum antisymbolum, nec in symbolo omnes omnino affectiones cum antisymbolo conuenire necesse sit, diuersitas symboli ab antisymbolo in ceteris omnibus momentis nihil plane nocuimenti infert, quoniam ad illam non attenditur V. g. Agni in sacrificium piaculare offerendi typi fuerunt Christi pro peccatis hominum immolandi Io. I. 29. Quaeritur iam, in quo consistat similitudo agni cum Christo seruatore. Respondetur: Quodsi cetera mittimus, quae in omnibus sacrificiis symbolica sunt, id imprimis hic spectari debet, quod in agnis ad lanienam adductis eminet, scilicet tranquilla et morigera ipsorum ratio qua sese non opponunt sed patienter obiciunt lanioni. Fiat applicatio ad Christum: Ille Seruator optimus persecutiones et cruciatus summos immo et crudelissimam mortem patienter subibat, et licet potestatem summam haberet, omnes inimicos suos prosterndi et e tribulationi-





tionibus eundendi omnibus, tamen patri suo obedientem se praestabat ad mortem vsque crucis Phil. II. 8. Habes ea, quae absque omni dubio in hoc typo fuere spectata, et ad quae Iesaias propheta respicit c. LIII. 7. Sed obseruemus quoque differentiam in hac ipsa re, eamque magni momenti: Agnus ad lanienam ducitur nescius, mortem sibi parari ab lanione, quam si praevideret, forte et sese opponeret. Christus vero certissime sciuit, cruciatus summos ipsamque mortem sibi imminere: et nihilominus sponte se ipsis dabat, amore erga miseros alioquin homines ductus, et sic patris sui coelestis voluntatem exsequebatur. Sed hoc discrimen non impedit, quo minus salva maneat agni vt typi relatio ad seruatorem vt antitypum suum.

#### §. XVIII.

Obseruemus *quinto*, symbolum et antisymbolum quandoque inter se commutari et ita pro se inuicem substitui posse, vt id, quod primum symbolum fuit aliis obiecti, alio tempore antisymbolum eiusdem vti symboli sui euadat; id quod praecipue in symbolis praeteritorum et futurorum locum habet. Exemplum dabo: Opus creationis, quod a Deo pro omnipotentia sua vno momento peragi potuisset, confectum fuit sex diebus, et septimus dies fuit primus, in quo cessauit Deus a creando. Huic et eapropter peculiariter benedixit h. e. praecepit, vt ad illius diei et operis creationis, quod praecesserat exemplar hic dierum ab hominibus ordo constituatur, vt sex priores laboribus septimus cultui sacro dicentur Gen. II. 2. 3. Igitur prima illa septimana typus fuit septimanarum sequentium. Iam autem vice versa hae hebdomades et in specie sabbatum septimo hebdomadis die celebrandum a Deo constituta fuere in typum praeteritorum, scilicet hebdomadis



madis et sabbathi primi. Etenim Exod. XX. 8-11. Deus diferte hunc dierum ordinem obseruari, et septimum in specie Deo sacrarum iussit in memoriam eius, quod ipse sex diebus coelum et terram, i. e. vniuersum hoc, creauit, septimo autem die cessauit a creando.

Nota. Obiter obseruo, ex hoc exemplo liquere, regulam illam, quam aliqui tradunt, non vniuersalem esse, quod antitypus excellentior esse debeat typo suo.

#### §. XX.

Denique *sexto* et id obseruatu dignum videtur, typos sub oeconomia vetere adhibitos rarissime quidem in V. T. magnam vero partem in N. T. a Christo et apostolis explicari. Nolo in hac re copiosior esse, quum ipsa Codicis sacri lectio id satis probet, et in eo, quod forte hic moneri possit, orium mihi fecerit cel. MICHAELIS l. c. c. I. §. 4. Id vnicum addo, hanc typorum interpretationem non vna ratione institui a Christo et apostolis. Etenim illa quandoque fit disertis verbis, vti in Ep. ad Hebr. passim; quandoque vero instar comparationis typus accommodatur ad antitypum v. gr. Ioi. III. 14. vbi tamen sole clarius est, neutiquam meram similitudinem intercedere inter serpentis aenei erectionem et exaltationem seruatoris in cruce, de qua mox plura. Interdum haec typi relatio innuitur denominatione typi translata ad eius antitypum, vti 1 Cor. III. 7. Hebr. III. 14. Quocunque autem modo haec interpretatio fiat, illa semper pro authentica est habenda, modo eius sensum recte intellexerimus, et ipsa rei ratio commode huiusmodi applicationem admittat.



## §. XXI.

Reliquum est, ut in sectione hac generaliori *Regulas* quasdam notemus breuiter, quibus adhibitis explicatio symbolorum eorumque applicatio rite instituitur, neglectis vero in difficultates, ex quibus euadere haud poterimus, implicamur. Faciles quidem sunt perspectu et sine magno labore ex antecedentibus eliciuntur: sed quoniam in sectione sequenti earum usus necessarius est, non plane superfluum mihi videtur, eas nunc recensere.

## §. XXII.

Inuoluit autem interpretatio symbolorum haec imprimis momenta, ut distincte perspecta ipsius symboli ratione ostendatur, 1) quid sit eius antisymbolum; 2) quis sit scopus ille, propter quem symbolum fuerit adhibitum; 3) ad quas affectiones symboli et antisymboli praecipue attendatur; 4) commodam inter eas relationem concipi posse; et 5) quomodo hac ratione foecunditas sensus scripturae sacrae declarari et promoueri possit. Quorum quidem momentorum posteriora, prioribus rite expositis, facili negotio perfici possunt. Sufficit igitur, eas regulas adducere, quibus duo priora momenta detegere, eorumque, quantum fieri potest, ratio perspicere licet.

## §. XXIII.

*Regula 1.* Interpretatio symbolica nitatur, necesse est, vel in interpretatione authentica, vel, ubi haec deficit, in ipsius symboli natura, vel etiam eius eum aliis symbolis analogia. Interpretatio authentica generatim primum atque certissimum esse omnis nostrae interpretationis fundamentum, tam notum est quam



quam quod notissimum: adeoque et in hac re primum de ea sumus solliciti. Sed quum saepissime ab ea destituamur, ad ipsius symboli considerationem erit confugiendum et disquirendum erit, num illud forte eiusmodi sit, ut eius in hoc rerum nexu existentia siue superflua siue DEO parum digna videatur, nisi illud in alterius symbolum ab eo constitutum fuerit. Hunc denique laborem excipit ille, qui versatur in detegenda et applicanda obiecti alicuius cum aliis analogia, quae omnino pro symbolis haberi debent. Quod ut rite fiat, et ipsius populi Israelitici et aliarum gentium, imprimis vera Aegyptiorum, ritus et consuetudines consulendos esse docuit MICHAELIS l. c. §. 15.

#### §. XXIII.

*Reg. 2.* Symbolum qua totum et in nexu spectatum ad vnum tantummodo antisymbolum referendum est, licet forsan aliquod momentum in eo occurrens per se spectatum mox in huius mox in aliis obiecti symbolum constitui possit. Nolo explicandae ac determinandae illustrandaeque huic regulae immorari, re ea repetiisse videar, quae hac de re fusius dicta sunt a laudato MICHAELIS l. c. §. 13. Eam solummodo ob rationem illa est a me allata, ut, quae iam sequitur, regula, eo commodius perspicui possit.

#### §. XXV.

*Reg. 3.* Symbola varia, licet similia sint, plane non confundantur, nisi aliunde clarum sit atque perspectum, eandem ad vnum antisymbolum esse referenda. Quae quidem regula ideo observari meretur, ne plus, quam par est, ex analogia inferamus, cuius, ut principii interpretationis symbolorum, mentionem feci ad §. XXIII.

D

Etenim



Etenim ut in omni interpretatione ita et in hoc negotio, ubi ex analogia concluditur, utriusque symboli nexus est conferendus, et nihil ipso siue relicto siue reluctantem pro vero est accipiendum. Hanc observationem illi negligere videntur, qui obiectum aliquod pro symbolo alterius obiecti agnoscere in casu obuiio ideo nolunt, quia illud in aliis S. S. locis nonnunquam eam rem metaphorice denotat, cuius notio haud commode conciliari poterit cum illo antisymbolo. At vero illi et per instantiam, ni fallor, refutari possunt. V. gr. Amos I. 4. vaccae Basaniticae metaphorice denotant homines opum abundantia pingues, ferocientes et iniuriose proteruos. Nihilominus vacca rufa symbolum fuit Messiae cf. Hebr. VIII. 13. 14. Hirci Matth. XXV. 32. 33. metaphorice significant improbos, et tamen, hircum quoque in symbolum seruatoris diuinitus constitutum fuisse, testatur idem Paullus I. c. Utrobique autem nexus plane diuersus est ab eo, in quo haec animalia uti symbola considerari debent, et ut talia constituta fuere; adeoque ex hoc principio concludendum, non autem imaginationi concedendum est, ut ideas admisceat plane huc non pertinentes.

## §. XXVI.

*Reg. 4.* Scopus praecipue in symbolis est attendendas; adeoque et similitudo eius cum antisymbolo secundum scopum quaerenda neque ulterius extendenda est. Prono quidem aluo haec regula fluit ex iis, quae ad §. XVII. fuere notata. Videmus tamen haud raro, homines ingenii lusu seductos in hac re peccare, neque omnia rite peregrisse sibi videri, nisi et minima symboli momenta et antisymbolum transtulerint applicarintque. Quo autem id fiat iure, facile ei erit perspectu, qui perpendit, medium generatim, qua medium, tantummodo



do ob finem spectatum ad actum perducī, atque ergo ex eo ut ratione sua analytica explicandum et diiudicandum esse. Iam vero symbolum est medium, quod adhibetur ad commodius declarandas obiecti alterius affectiones; Ergo ex scōpo hoc rite fixo similitudo symboli cum antisymbolo erit determinanda. Interim hac similitudine bene perspecta et applicata, quo negotio summa et caput rei conficitur, postmodum quoque, exercitii gratia, hunc laborem continuare et disquirere licet, an et in ceteris symboli eiusque antisymboli momentis similitudo aliqua detegi possit: modo illa utriusque obiecti naturae ne refragetur, neque altius, quam par est, sit petita.

## S E C T I O II.

## DE SERPENTE AENEO CHRISTI CRVCI

## A F F I X I T Y P O.

## §. XXVII.

**A**ntequam typi huius rationem expono, atque applicationem instituo eorum, quae §. XXII. dicta sunt, observatis iis, quae §. XXIII. ff. in hoc negotio observanda attuli, id praecipue monendum est, me totum hanc rem exhaustire, et omnia, quae huc pertinent, excutere nolle. Quod si enim id agere mihi animus esset, magnam partem acta egisse viderer, quum typus hic a multis magnisque viris dudum tractatus sit, inter quos eminentb. CAMP. VITRINGA *Observationum Sacr.* I. II. c. X. et S. V. CASP. IAC. HVTHIUS in Progr. quod inscribitur: *Serpens exaltatus non contritoris sed conterendi imago* Erl. 1758. Hi enim viri famigeratissimi, quorum scripta in omnium, quibus Philologia sacra curae est cordique, manibus versantur, omnia fere, quae in hac re dici possunt



possunt et merentur, in medium attulere, ita ut vix aliquid sit, quod ipsorum observationibus addatur. Vnica tamen in iis occurrit sententia eaque recentior, quae ulteriori disquisitione indiget, antequam ei assensum praebeamus: praesertim quum rationes, quibus illa nititur, non adeo sufficientes videantur. Nimirum statuunt viri summi cum paucis aliis, quorum indicem ipsi dedere, serpentem aeneum a Mose exaltatum typum quidem esse, non vero Seruatoris cruci affixi, sed potius diaboli, qui cum eo in cruce dimicavit et ab ipso per mortem victus exhibeatur. Quae quidem sententia, licet authenticam Christi interpretationem Io. III. 14. 15. consideranti ut *παράδοξον* spectari possit, tamen et a VITRINGA et ab HUTHIO multis rationibus est stabilita, quorum vel numerus ad plus quam viginti assurgens eam extra omnem dubitationis aleam posuisse videri potest. Sed liceat mihi, quae ab ipsis in hanc rem proposita sunt, paullo curatius expendere, et meas cogitationes, qualescunque demum sint, iis adiungere. Non enim vereor, ne quum contra tanti nominis viros pugnare audeam, in suspicionem incurram temeritatis: siquidem in republica eruditorum, conscientiae, ut aiunt, libertas unicuique conceditur, modo limites modestiae ne excedat. Equidem spondeo, me omnem curam atque sollicitudinem in eo collocaturum, ut idem limites et a me observentur; et ne unicum verbum proferam, quod reverentiae, quam tantis viris debeo, non conveniat. Neque etiam difficile erit, promissa servare, quum semper, modestiae studium tum omnibus tum praecipue inveni summo decori esse, existimarim, atque ergo et mihi honori duxerim, modestiae studuisse. Igitur ad rem accedo, argumenta virorum summorum eodem, quo ab ipsis proposita sunt, ordine examinaturus.



## §. XXVIII.

*Primum* ergo argumentum, quod quidem VITRIN-  
EA I. c. §. XI. p. 426. f. tanti non facit, cui vero maxi-  
mam robur inesse putat S. V. HUTHIVS p. 10-15. a quo et  
in quinque peculiare rationes est resolutum, huius est te-  
noris: „Non decet DEum, Christum sub schemate ser-  
pentis proponere, quoniam 1) serpens est animal ve-  
nenatum et maxime nociuum; 2) ille in sacris litteris  
passim, imprimis autem Gen. III. 15. pro emblemate  
diaboli vsurpatur, ita vt eius imago tam infamis eius-  
que intuitus tam horribilis reddita sit, vt valde incon-  
uenienter pro typo Seruatoris, quem cum fiducia vt  
fundamentum salutis aspiciamus, habeatur. Res-  
pondeo: 1) Ex iis, quae §. XVIII. dixi, satis, ni fallor,  
liquet, in omni symbolo etiam arbitrario diuersitatem  
obtinere ab antisymbolo, eam vero plane non attenden-  
dam esse, quippe ad scopum non pertinentem. Acce-  
dit 2) Serpentem aeneum tantummodo serpentis for-  
mam externam habuisse, plane autem veneni fuisse ex-  
pertem. Iam vero externa serpentum forma nunquam  
hominibus infamis et nociua fuit, sed tantum eorum ve-  
nenum humano corpori est mortiferum. Posset forsan  
et id vrgeri, serpentes per se non esse animalia adeo  
horrenda eosque haud minimum in hoc mundo vsum  
praestare. 3) Serpentum in Sacris litteris mentio  
fit satis honorifica, neque in omnibus locis, vbi ea oc-  
currit, illi pro emblemate diaboli haberi possunt.  
Idem S. V. HUTHIVS perspexit, adeoque omnem  
operam in eo impendit, vt loca haec hypothesi suae ac-  
commodaret. V. gr. Matth. X. 16. vbi verba: *ὡς ὁ φεῖς*  
respicere putat ad serpentes naturali pra-  
uitate callidos, eosque proinde symbolum filiorum dia-  
boli exhibentes; Quare, ne hoc dictum peruerse intel-  
ligatur, Seruator adiecerit: *sed et simplices estote vt co-  
lumbae*. At vero, quum ea considero, quae immediate





praecedunt: *Ecce ego mitto vos uti oves inter lupos*, ita omnino dictum Seruatoris intelligendum puto: Vos apostoli insidiis et persecutionibus variis hominum improborum fietis obnoxii: igitur callidi sitis more serpentum, qui difficillime capiuntur et agiler in gramine prorepentes callide ex insidiis, quae ipsis sternuntur, euadunt, nec non inter rupium fissuras aspidas et horridas mirabiliter ita sese torquent, ut nullum inde damnum accipiant (cf. Prou. XXX. 19.) i. e. caute vobis omni modo, ne aduersarii contra vos aliquid valeant. Attamen nequiquam id ita intelligatis, ac si vobis liceat fraudulenter agere et v. gr. ad evitandas persecutiones, quin et ipsam mortem, veritatem silere vel iucrustare, atque pro ratione temporis aliter loqui alite cogitare. Absit! Ne duplices sitis sed simplicitati omnino studeatis, imitatores columbarum omnis astutiae expertum et simplicissimarum. Quod autem ad cetera loca ab ipso הַנְּתִיבָיו siue vberius exposita siue tantum excitata attinet, ea nunc mitto, quoniam argumenti per inductionem exemplorum facti vniuersalitas vel unico exemplo in contrarium infringitur. 4) In serpentibus non semper prauitatem aliquam siue naturalem siue adeo diabolicam spectari, vel ex eo elucet, quod idem nomen שֶׂרֶפָה quod voci נָחַשׁ additur, et speciem serpentis scil. cherlydrum denotat, in numero plurium etiam significat angelos Ies. VI. 2. - 5) Maledictio serpentis seductoris quum, affirmante ipso Viro S. V. non feriat serpentem naturalem sed diabolum, non video, quomodo hac ratione imagini serpentis nota infamiae sit iniusta, praesertim quum nondum demonstratum sit, neque ex Gen. III. 1. id necessario fluat, serpentem illum fuisse verum et naturalem serpentem. 6) Quod si hircus ideo ut imago Christi sisti potest, quia non erat ex omni parte abominabilis, quidni et serpens? Serpentes enim prorsus abominabiles esse, neque vllum in hoc



hoc vniuerso vsum praestare nemo affirmabit, nisi qui historiae naturae plane est ignarus: taceo, quod sapientia diuina indignum foret, eiusmodi animalia conseruare. 7) Quando denique Vir S. V. affirmat, serpentem ex proteuangelio nunquam aliter cogitari posse quam conterendum nec vnquam in contritoris imaginem conuer- ti, id repeto quod §. XXIII. dixi, symbola in diuersis Scripturae S. locis occurrentia, etsi simillima, probe tamen distinguenda esse, nisi vtriusque loci contextus, eandem et symbolorum et antisymbolorum rationem esse euidenter vrserit. Neque similitudo inter vtrumque sym- bolum adeo magna intercedit, quando rem curatius expendimus; qua de re in sequentibus amplior dicendi locus erit.

#### §. XXVIII.

*Alterum* argumentum, quod est VITRINGAE §. XI. p. 427. „inde petitur, quod inconueniens durumque dictu „esset, in vna eademque historia serpentes vrentes ima- „ginem diaboli, et serpentem aeneum Christi imaginem „esse.„ Sed i) Nondum ita euictum credo, cherfydros hic esse symbolum diaboli, vt id pro re indubia accipe- re cogamur, praesertim quum scopus hanc hypothesein non necessario requirat. Quodsi enim rem curatius perpendimus; hic totius negotii scopus a DEo specta- tus fuit, vt Israelitae summo malo pressi et in praesen- tissimo mortis periculo constituti fiduciam plenam in DEo collocarent, atque, quum remediis naturalibus omnino destituerentur, neque solo adspectu serpentis aenei sanari naturaliter possent\*, tamen voluntati diui- nae morigeros sese praeberent, atque firmiter sibi per- suasum haberent, DEum cum hoc aspectu medelam coniunctorum eosque sanaticum esse. Id totinexui opti- me conuenit et praecipue v. 5. ex quo elucet, Israeli- tarum



tarum murmuraciones potissimum ex eo profectas esse, quod auxilio diuino diffiderent, neque crederent, DEum eos amplius conseruare posse, quum et cibus et aqua deficere incēpisset. Sufficit ergo, huius fiduciae antisymbolum in fiducia illa reperiisse, quam peccatores aeternae mortis supplicio obnoxii in Seruatorem simili ratione cruci affixum collocare ex mandato et promissionibus diuinis debent. Non itaque necesse est, orania, quae in illo facto occurrunt, excutere, et chersydorum mordentium antisymbolum in diabolo quaerere, qui morali quasi mortu animu veneno peccati affecerit. Verum quidem hoc est et eleganter dicitur: at vero inde non sequitur, in negotio illo typico hunc praecise respectum factum fuisse. Neque credo, quemquam id serio ex eo probare velle, quod Israelitae rogabant Moſen, vt supplicaretur DEum, vt auferret **אֲשֵׁר־הַנָּחָשׁ** in numero singulari, quo ipso respexissent ad serpentem illum seductorem \*\*. Nemini enim ignotum esse potest, numerum singularem saepissime collectivae pro omnibus aut pluribus eiusdem speciei sumi. 2) Sed ponamus, chersydros illos imaginem exhibuisse diaboli, tamen tota res inde nondum erit confecta. Concedo, durum dictu fuisse, vt serpens in eadem historia mox diaboli mox Seruatoris sit symbolum, si DEus Moſen iussisset sumere vnum de ipsis illis chersydris, quibus lethaliter vulnerati erant Israelitae, eumque in pertica erigere, vt ipsius aspectu sanarentur. Sed hic serpens fuit aeneus adeoque sola forma externa ipsis similis, nihil vero quoad essentiam et internam rationem commune cum iis habuit. Quodsi autem quaeris, cur DEus non aliam figuram elegerit, respondeo *primo*, DEum huius rei rationes sine dubio sapientissimas habere potuisse, etsi illae a nobis non plane perspiciantur; et *deinde* forsan id eo sine factum esse, vt fiducia Israelitarum eo firmior euaderet, dum et illam dubitationem superare

rare debebant, quae ex eo oriri posset, quod serpens aëneus figura similis erat serpentibus illis venenatis, atque in eo aspiciendo imaginatio facile notionem admiscebat venenatae chersydrorum affectionis.

- \* Quod quidem quum omni dubio careat, manifestum est, medelam, quae nihilominus Israelitis afferebatur, omnino miraculosam fuisse. Neque necesse est, vt ad augendam huius miraculi grauitatem et gloriam ad sententiam Iudaeorum confugiamus, quasi aes ipsum alias hominibus a serpentibus morsis mortem subito afferret, ex quo illud aspicerent. Ita enim R. D. KIMCHI in *Sepher schoraschim* ad Rad. נחש inquit: אמרו חכמי הרפואות כי אדם אשר ישכנו הנחש ויראה הנחשת מיד מת לפיכך אמר הקדוש ברור הוא למשה עשה לך נחש נחושת והיה כל הנשנך וראה אותו וחי בחפץ טבע העולם להגדיל הנס וכו' *Dicunt medici, hominem, quem morfu appetiit serpens, quodsi aspiciat aes, extemplo mori: Eapropter Sanctus Benedictus Ille dixit Moysi: fac tibi serpentem aeneum, et fiet, vt omnis qui morsus fuerit et aspiciat illum, uiuat. Scilicet in oppositione ordinis. naturae huius mundi, vt eo maius efficeret miraculum etc.*

- \*\* Equidem non ignoro R. BECHAI ad Num. XXI. 7. Comment. fol. 176. fac. I. col. 2. lin. penult. edit. Venet. idem illud ex hac ratione affirmare. Ita enim ad verba haec: *Ora Iebouam vt remoueat a nobis serpentem*, commentatur: היה לו לומר הנחשים אבל הזכירו בלשון וחדר כי ירמון לנחש שלמעלה הוא הכוח הממית הוא שר המדבר ששם דירת הנחשים השרפים וכו' *Dicere debuisset* (populus:) SERPENTES, *sed adhibet illud* (vocabulum) *in singulari. Etenim respicit ad serpentem illum de quo*
- E
- quo



*quo supra. Ille ipse est vis occidendi, et princeps deserti, quoniam ibidem est commoratio serpentum chersydrorum etc.* Sed nec huius interpretis auctoritate commoveor, ut emphasin hic latere credam, ubi nullae aliae adsunt rationes, quae illam requirunt.

## §. XXX.

*Tertium* argumentum idque a VITRINGA l.c. §. XII. et XIII. allatum, in eo consistit, „ut ipsi magis conueniens videatur, serpentem aeneum accipere ut symbolum diaboli quali cum Seruatore cruci affigendi et „ab eo vincendi, praesertim quum hac ratione symbolum optime conueniat cum allegoricis illis dictionibus „quibus proteuangelium exhibitum fuit.„ Respondeo 1) Symbolum hoc forsan commode ita explicari potuisse, nisi authentica Seruatoris interpretatio eam explicationem maxime incommodam redderet. Verba Christi sunt planissima: id quod vberius elucet, quando prioris propositionis constructionem conuertimus ita: *Quemadmodum serpens in deserto exaltatus est a Mose, ita oportet filium hominis exaltari.* Neque credo, VITRINGAM ipsum vnquam aliter interpretaturum fuisse hoc dictum, quam vulgo fit, nisi hypothesis ob ceteras, quas attulit, rationes recepta suam explicationem seu potius accommodationem necessariam fecisset. 2) Mihi vel maxime incommodum videtur, serpentem aeneum, qui in hoc negotio typus personalis et praecipue conspicuus fuit, pro typo habere obiecti, quod in crucifixione Seruatoris plane non conspiciebatur, et contra personam vel maxime in cruce conspicuam praeterire. 3) Quae-ri etiam posset, num accurate dicatur, diabolum a Seruatore in cruce omnino victum et viribus suis spoliatum exhiberi, annon potius id demum in resurrectione Christi



Christi eiusque in coelum ascensione factum sit, quibus nimirum Pater testis declaravit, omnia a Filio suo praestita esse quae ad Salutem hominum restituendam requirebantur. Sane posterius, quoad ego quidem video, magis convenit aliis Scripturae Sacrae dictis e. gr. Rom. VIII. 34. Col. II. 12. 13. coll. 15. Phil. II. 9. 10. 11. Pf. CX. 1. coll. Act. II. 34 - 36. it. 1 Cor. XV. 20. 23. coll. 25. Pf. II. 7. coll. Act. XIII. 38. ff. \* Et sane verba posteriora Gen. III. 15. commode ita reddi possunt: *Id ipsum* (semen mulieris) *perimet te* (diabolum sub serpentis figura praesentem) *in capite, postquam tu peremeris ipsum in calcaneo* (i. e. postquam tu per semen tuum seu filios tuos h. e. improbos et Iudaeos et Romanos cf. Io. VIII. 44. in mortis supplicium in cruce subeundum ipsum adduxeris). In hac enim terminabantur diaboli contra Servatorem insultus, et morte perpeffa vivificabatur ille a Patre suo et incipiebat aduersarios suos omnes, praecipue autem diabolum, subigere et quasi victos in triumpho producere. \*\*

\* Neque obstat Ebr. II. 14. vbi Apostolus affirmat, *Christum morte sua aboleuisse diabolum, qui potestatem mortis habuerat*. Etenim 1) mortem Christi respicit ita, vti fuit actu scil. non perpetua sed cum resurrectione coniuncta; 2) Si vel maxime ipsa morte Christi diabolus est devictus, tamen vt talis in cruce exhiberi nobis non potuit et declarari. Nam nisi Christus ex hac morte resurrexisset, nulli scire certo potuissimus, diaboli contra nos potestatem subactam et peccata nostra abolita fuisse, adeoque nec firma fidei nostrae fundamenta iacta fuissent, teste eodem Apostolo 1 Cor. XV. 14. 17.



\*\* Obiter moneo, verbum  $\text{הָשַׁח}$  quod praeter h. l. tantummodo Iob. VIII. 17. et Ps. CXXXVIII. 11. occurrit, non adeo accurate verti: *conterere*. Et enim Arab.  $\text{شاق}$  signif. *perimere*, et adhibetur in lethali vulnere, quo quid inuoluitur et perimitur, tanquam a venatore ex insidiis captante: Et nomen

$\text{شاق}$  denotat *morbum peculiariter lethalem, letibum, mortem*. Igitur h. l. versio ita debet institui: *Ipsum (illud semen) perimet tibi caput etc.* (coll. Interpr. Danz. §. 15. VII.) vel ita: *perimet te in capite, etc.* (inserto scilicet  $\text{ב}$  ante  $\text{וְנָחַל}$  coll. §. 180.) Quod autem ad postrema verba attinet: *postquam tu peremeris eum in calcaneo*, neminem, credo, offendi posse eo, quod futurum in significato praeteriti reddiderim, quoniam valde vsitatum est Hebraeis, eadem tempora in eodem commate adhibere, quum tamen pro nostra loquendi ratione variis temporibus sint exprimenda (cf. Interpr. §. 53. I. et 164. I.) Denique et ipsius propositionis sensus, quem ei in paragrapho tribui, facile constabit, quum in memoriam reuocatur, dari in Oriente serpentes in arena, cui colore similes sunt, degentes, qui iuxta vias prostrati hominum et praecipue equorum calces morsu venenato appetunt et quidem tam fortiter, ut equus, adeoque et eques ipsi insidens, recidat, et uterque eo magis a serpente amplius vulnerari possit. Qui quidem morsus certissimam affert mortem, nisi subito allatis remediis veneni accepti vis infringatur. Fiat iam applicatio ad Seruatorem opera diaboli et improborum, quibus hic ut instrumentis utebatur, in mortem quidem detrusum sed omnipotentia Patris sui coelestis e morte resuscitatum.



## §. XXXI.

*Quartum* Argumentum est itidem VITRINGAE §. XIII. et XV. ex Col. II. 14. 15. petatum, vbi ex analogia phrasium explicationem dicti Seruatoris Io. III. 16. confirmare studet. Sed, nisi me omnia fallunt, locus hic potius contra eum pugnat: quare et illum §. praec. in meam rem pertraxi. Etenim 1) Propositio haec: *Christus chirographum illud, quod in dogmatibus constabat, et contra nos erat, cruci affixit*, manifeste hunc sensum habet: Christus passionibus suis, quae morte, quam in cruce subibat, finiebantur, valorem sustulit maledictionum illarum, quibus alioquin homines sunt obnoxii, propterea quod ipsi legem diuinam transgrediuntur. Ille enim Seruator pro ipsis et loco ipsorum poenas has in se sumsit et luit, adeo vt ex lege non amplius damnetur, modo ipsius meritum fide apprehendant sibi que attribuant. 2) Altera autem enunciatio, *quod spoliauerit Seruator et ludibrio exposuerit τὰς ἀρχὰς καὶ τὰς ἐξουσίας* etc. quicquid etiam his vocabulis denotetur, aperte sese refert ad ea, quae v. 12. et 13. de viuificatione et resurrectione Christi dicta fuere, adeo vt locus hic confirmet veritatem illam, quod Christus resurrectione sua inceperit, diabolum eiusque assecclas victos exhibere et in triumpho exponere.

## §. XXXII.

*Quintum* argumentum, idque VITRINGAE vltimum I. c. §. XVI-XVIII. ex 1 Petr. II. 24. desumitur, vbi Petrus ait: *Christus peccata nostra tulit in corpore suo in ligno*. Et ita quidem VITRINGA rationes subducit: „Quodsi Christus cruci affixus peccata nostra tulit in „corpore suo, sequitur, peccata nostra cum eo cruci „esse affixa, et quidem cum eo dimicantia, quippe quem „in hoc supplicium adduxerant. Iam vero peccata no-  
E 3 „stra





„stra non possunt separari a diabolo quippe vi legis et  
 „peccatorum cum Christo dimicante sed et victo in ipsa  
 „cruce per mortem Seruatoris; Ergo Satanas cum Chri-  
 „sto cruci fuit affixus.,, (Sed 1) Quodsi et totam ratio-  
 cinationem concedo, nihil aliud inde sequitur, quam  
 id, fieri posse, vt, quum Io. III. 14. de exaltatione  
 Christi in cruce sermo est, respiciatur ad diabolum cum  
 ipso cruci affixum. 2) Non accurate dicitur, peccata  
 nostra esse cruci affixa. Quis enim non videt, in pro-  
 positione illa Petri: *Christus tulit peccata nostra*, voca-  
 bulam *dimergia* poni pro poenis peccatorum? 3) Peccata  
 proprie non dimicarunt contra Christum, sed dimicant  
 contra peccatores. cf. Col. II. 14. et Christus sponte se  
 dedit, vt pugnae huius exitum nobis felicem compara-  
 ret. 4) Satis incommode dicitur, id quod tamen pro  
 modo ratiocinationis dici debet, diabolum in corpore  
 Seruatoris cruci affixum cum eo dimicasse. 5) Eadem  
 et hic difficultas manet quae ad §. XXX. n. 3. fuit notata.  
 Hinc facile, ni fallor, liquet, argumentum hoc altius  
 petutum esse, et plane id non probare, quod probare  
 debebat.

### §. XXXIII.

Sed reuertendum est ad S. V. *HUTHIVM*, qui prae-  
 ter illas rationes a *VITRINGA* allatas plures alias adiecit,  
 circa quas igitur etiam nonnulla pro ingenii modulo li-  
 ceat monere. *Sextum* igitur argumentum, quod sexto  
 septimo et octauo *HUTHII* comprehenditur, huius est  
 tenoris: Deus cultum diuinum vitulo praestitum seuer-  
 „rime puniuit Exod. XXIII. et praeterea omnem idolola-  
 „triam serio interdixit; Ergo serpens aeneus in typum  
 „Christi non potuit esse ab ipso constitutus, praesertim  
 „quum diabolus serpentis figura a Gentibus cultus sit.  
 Resp. r. Non demonstrauit Vir S. R. serpentem a gen-  
 tibus



tibus pro imagine diaboli habitum fuisse, quum ab ipsis coleretur; neque eo, quod Aesculapio serpentem assignarent, cultum ipsi praestabant diuinum. 2) Aliud est, Deum infinitum, inuisibilem nec ullius creaturae imagine exprimendum sub figura aliqua et in idolo prosequi cultu diuino; aliud obiecti alicuius repraesentatione mente quasi transferri ad cogitationem Seruatoris. Quodsi enim in hoc negotio ita ratiocinamur: Quam vere DEUS ex benigna sua promissione eos, qui a serpentibus lethaliter vulnerati sunt, sanauit mirabiliter, simulacrum mandato suo morem gerentes serpentem aeneum aspiciebant, tam vere peccatores a morte spirituali et aeterna liberabit, simulacrum, quemadmodum praecepit, Christum Seruatorem fide amplectuntur; plane non video, quomodo id pro cultu serpentis aenei idololatrico haberi possit. 3) Sed ponamus, subesse aliquid idololatriae in hoc negotio, tunc sequeretur, iuuentum et hircum in festo expiationis in sacrificium oblatos idololatrica ratione ab Israelitis cultos fuisse. Eadem enim est ratio. Dices: Israelitae haec animalia non ita considerarunt, ac si ab ipsis peccatorum remissio proficisceretur. Respondeo: Neque hac ratione ab ipsis serpens aeneus siue potuit siue debuit considerari, ac si ille medelam afferret vulneribus suis; sed, dum oculos dirigerent in ipsum, fiduciam mentis collocabant in Deum, qui solus morbum hunc, cui naturalia remedia tum afferri non potuerunt, sanare poterat. Et aspectus ille fieri tantum debebat ut effectus et testimonium huius fiduciae et obsequii mandato diuino praestandi.

## §. XXXIII.

Argumentum *septimum* seu S. V. НУТНІ ПОПУМ:  
„Serpentum vrentium repraesentatione adducimur ad  
„cogitationem diaboli, pro cuius symbolo ex Gen. III.



„ 15. sunt habendi; ergo eadem cogitatio aspectu fer-  
 „ pentis aenei excitari debet; Ergo ille non potest pro  
 „ typo Christi haberi. At vero 1) Nondum demon-  
 „ stratum est, chersydros illos in hoc negotio in typum  
 „ diaboli a Deo fuisse constitutos: cf. dicta §. XXVIII. n. 2.  
 „ 2) Neque ea, quae in historia lapsus occurrunt, id ne-  
 „ cessario requirunt, ob rationes ad §. XXV. nec non  
 „ §. XXVIII. n. 7. allatas; 3) Quodsi etiam concedimus,  
 „ chersydros illos pro diaboli symbolo accipi posse, alia  
 „ tamen prorsus ratio est in serpente aeneo quippe sola  
 „ figura externa ipsis simili, ceterum vero prorsus ab illis  
 „ diuerso. Cf. itidem ea, quae dixi §. XXVIII. n. 2. 4) Si  
 „ serpens exaltatus hoc loco vt symbolum diaboli conte-  
 „ rendi debuisset ex intentione DEI spectari, cur quaeso  
 „ Moses non fuit iussus, vnum ex illis chersydris accipere  
 „ et perticae affixum erigere? Nonne hac ratione scopus  
 „ ille magis commode obtineri potuisset?

### §. XXXV.

Argumentum VIII. seu S. V. HUTHII X. et XII.  
 tantum contra eos directum est, qui affirmant, „ fer-  
 „ pentem et in eo, quod figuram quidem chersydro-  
 „ rum, non autem ipsorum naturam, habuit, typum Chri-  
 „ sti fuisse, vtpote qui in similitudine carnis peccati ap-  
 „ paruerit, sed ipsius peccati prorsus expers. Sed argu-  
 „ mentum illud, quo haec comparatio recte et solide re-  
 „ futatur a Viro S. R. nimirum „ aliud esse: forma carnis  
 „ peccati, aliud: forma diaboli; me plane non ferit,  
 „ quippe qui sententiam illam meam non facio, vtpote  
 „ memor eorum, quae §. XXVI. de similitudine inter sym-  
 „ bolum eiusque antisymbolum non ultra scopum exten-  
 „ denda scripsi.



## §. XXXVI.

Argumentum VIII. seu S. V. НУТНІІ XI. „Serpens aeneus fuit serpens mortuus enecandi potentia priuatus; Ergo non potest esse typus Christi mortui, qui nunquam ut serpens vixit i. e. qui dum viueret, nemini damnum intulit., Sed 1) nego priorem propositionem. Serpens aeneus nunquam serpens verus fuerat, neque potentiam enecandi habuerat vnquam; 2) quodsi regerat Vir S. V. serpentem aeneum ex hac ipsa ratione considerari non posse ut typus Seruatoris, quoniam mortuum quid fuit, neque vnquam vitam habuerit, respondeo: et vaccae rufae cinis mortuum quid fuit purificandi vi destitutum: nihilominus ille typus fuit sanguinis christi a peccatorum sordibus nos purgantis cf. Num. XVIII. 9. coll. Hebr. VIII. 13. 14.

## §. XXXVII.

Argumentum X. seu S. V. НУТНІІ XIII. quum illa hypothesis nitatur, negotium exaltandi serpentis aenei pro explicatione proteuangelii habendum esse, tamdiu rem meam non subuertit, quam illa hypothesis non est euicta.

## §. XXXVIII.

Argumentum XI. seu S. V. НУТНІІ XIII. et XV. ita se habet: „Si serpens aeneus Christi typus fuisset, illud 1) in sanctuarium reponi et asseruari, neque 2) quum temporibus Achasi Israelitae cultu idololatrico illum persecuti essent, ab Hiskia contundi sed pariter in sanctuarium afferri debuisset. Sed 1) Non valere videtur consequentia: Quoniam res aliqua non reposita fuit in sanctuario, illa a DEO in typum Christi constitui nequit. Praeterea multae aliae res aderant, quae



Messiam praefigurabant scil. operculum expiatorium, animalia in sacrificium offerenda, ipse sacerdos summus. Haec sufficiebant. 2) Serpens aeneus ut typus Christi tantummodo in hoc negotio seu in hac historia Num. XXI. relata est considerandus. Adeoque, quum ea finita ipsius usus cessaret, illi per se consideratae non amplius symbolici quid inerat, neque ergo vlla erga ipsum reuerentia locum habebat. Et dubito adeo, an commode dicatur, ei in ipso hoc negotio reuerentiam praestandam fuisse ab Israelitis Conf. enim a me dicta §. XXXIII. n. 2. Igitur Hiskias plane nihil admisit, quod indignum esset reuerentia, qui exhiberi omnino debet ipsi Seruatori optimo: nam illius symbolum tum temporis plane non fuit serpens aeneus. 3) Non potuit idololatria huic serpenti aeneo praestita ab Israelitis melius illis exprobrari, quam eo, quod ipse confringeretur et contunderetur, quum contra, quando ipsum asseruasset et religiose tractasset Hiskias, illorum superstitio aucta fuisset. 4) Neque exemplum ab arca foederis desumptum adeo multum contra me valebit, quam confringere sane non licuisset, etiamsi ad cultum idololatricum fuisset rapta. Ea enim per totum V. T. oeconomiam instrumentum cultus diuini erat, et continuo asseruabatur ut pars totius tabernaculi et templi quod, dum vetus oeconomia durabat, typus oeconomiae sub nouo foedere erat. Plane ergo alia est eius ratio ac serpentis aenei sub quibusdam tantummodo circumstantiis ut typus considerandi. Et sane, si nostris etiam temporibus superesset ipsa haec arca, eique a Christianis quibusdam idololatrieus cultus exhiberetur, non video, cur non iure meritoque illa confringi plane et contundi possit.

#### §. XXXVIII.

Argumentum XII. seu S. V. НУТНІ XVI. XVII. XVIII. id agit, ut destruat fundamentum sententiae vulgo receptae,

ceptae, serpentem aeneum Christi typum fuisse, quo quidem destructo ipsam statim concidere putat. Fundamentum illud autem consistit duabus rationibus: *Altera* petitur ex aspectu serpentis aenei, cum quo sanatio coniuncta erat. Iam vero a diabolo sanatio illa spiritualis, cuius symbolum erat sanatio haec physica, proficisci nequit; Ergo serpens pro typo non diaboli sed potius Seruatoris est habendus.,, Optima sane sunt, quae regerit Vir S. V. nimirum sanationem non profectam esse a serpente ipso, sed ex gratia diuina. Quando autem addit: *ex proteuangelio*, iterum demonstrationem nondum datam postulare liceat, quod proteuangelium cum hoc negotio sit coniungendum. Praeterea facile totam hanc argumentationem mittere ego quidem possum, quoniam rationem illam priorem non tanti existimo, vt ex ea sola effici possit, quid praecise per serpentem aeneum praefiguratum fuerit, vt sit eius antitypus. *Altera* vero ratio, quae desumpta est ex simplicissima illa dicti Seruatoris Io. III. 14. explicatione, quam cur sinistram appellet Vir S. R. plane non video, fortissima eaque vel sola sufficiens mihi videtur. Inquit quidem S. V. *нѣтъ нѣтъ*, in hoc dicto pro *filio hominis* substitui posse *contritorem serpentis* ex Gen. III. 15. quoniam persona sit eadem. Sed alia est substitutio, si rem ipsam, alia vero si et verba eorumque nexum spectas. Quodsi enim ratio nexus vtriusque non habetur, concedo substitutionem. Sed conferatur connexio seu logica syntaxis. Hic, in paradiso, serpens est diabolus in serpentis figura seductor Euae, illic adsunt cherfydri Israelitas lethaliter vulnerantes; hic serpens ille diabolus pro prauitate sua morali, et odio erga DEum et homines actus, protoplastos seducebat ad peccatum grauissimum, illic cherfydri peculiari DEi directione adueniebant et mala physica, vulnera sc. lethalia, inferebant Israelitis poenarum et castigationum instar; Hic serpens, seu potius



diabolus seductor a Messia erat perimendus in capite, illic Israelitis medela afferebatur, chersydris autem mali quid accidisse non legimus. Quae quidem sufficiant ad demonstrandam alterius loci ab altero diuersitatem, si totum eiusque partium nexum spectas. Ergo licet substitutio terminorum: *filius hominis et serpentis contritor* per se, quoad rem ipsam, non habita nexus, in quo utraque haec expressio occurrit, ratione, fieri recte possit; tamen plane id fieri nequit in concreto, adeoque ratiocinatio Viri S. R. ex horum terminorum ut aequipollentium substitutione in dicto Io. III. 14. facta, me non ferit. Neque etiam tam horrendus ex nostra interpretatione huius dicti prodit sensus, quam Vir S. V. putat, dum ita a nobis verba reddi debere credit: *Quemadmodum Moses in deserto serpentem exaltauit ita, et filius DEI, seu q. i. e. serpens DEI, exaltabitur*. Etenim, ut semel atque iterum dixi, serpens aeneus proprie loquendo serpens non fuit, adeoque, quum illum pro typo Christi habemus, plane nihil Christo attribuimus ex eo, quod in serpentum natura obseruatur. Fuit corpus aliquod aereum, et per se plane idem erat, hanc an vero aliam figuram haberet: Cur autem hanc figuram prae aliis elegerit DEus, ut scrutando assequi nec necesse nec forsan possibile est. Quae quum ita sint, nondum mihi persuasum habeo, simplicissimam illam dicti Seruatoris explicationem ut sinistram reiiciendam, ut illam contra, quam cum VITRINGA affert HUTHIUS et commodiorem ei esse praeferendam. Manet ergo, quoad ego quidem sentio, fundamentum receptae sententiae nostrae adhuc firmum atque infractum.

## §. XXXX.

Argumentum XIII. seu HUTHII XVIII. eiusmodi est, ut ipsius tenorem non penitus perspexisse me lubenter confitear. Verba ipsius apponam: *Emphasis*, inquit, *est in articulo: τὸν ὄφιν, quam si in versione exprimis, et*  
*vocem*



*vocem ambiguum erubescit ad significatum suum abiectum de trudit: vix alia in mentem veniet cogitatio, quam quae serpentem hñit seductorem.* Id tantummodo monere liceat 1) quod si et concedam, emphasin hic per articulum indicari, tamen non video, quomodo inde fluat, serpentem aeneum, qui ipse est  $\delta \delta \Phi \kappa$ , pro typo diaboli esse habendum. 2) Neque perspicere possum, quid in exaltatione huius serpentis lateat ignominiosum. Et 3) si vel maxime ignominiosa fuit, quid inde contra nos sequitur, quum concedente Viro S. V. et exaltatio - f. q. i. e. crucifixio Christi omnino ignominiosa fuerit?

## §. XXXXI.

Argumentum denique XIII. seu  $\eta \nu \tau \eta \iota$  XX. et ultimum aequè me non ferit ac illud, quod §. XXXIII. attuli, quoniam arctissime cum illo cohaeret, et contra eò tantummodo pugnat, qui, ingenio plus quam par est indulgentes, similitudinem inter serpentem et Christum ostendere conati sunt, sed satis malo successu, quod Viro S. R. lubentissime largior.

## §. XXXXII.

Sufficiant haec, quae adhuc in medium fuere allata, pro fine in hac tractatione a me spectato, ut nimirum ostendam, sententiam nostram de serpente aeneo Christi Servatoris cruci affixi typo argumentis Virorum summorum nondum refutatam esse. Neque enim opus erit, ut cetera, quae in Programme S. V.  $\eta \nu \tau \eta \iota$  occurrant, recenscam, quum ea partim contra  $\eta \iota \lambda \lambda \epsilon \rho \upsilon \mu$  quendam pugnent, qui ipsam hanc Viri S. V. sententiam impugnavit, cuius vero controuersiam meam non facio, partim ad historiam huius sententiae literariam pertineant, partim vero in similitudine typi





cum antitypo pro hypothefi Viri S. V. oftendenda ver-  
sentur. Quae quidem omnia quum ad meam rem non  
adeo multum faciant, facile iam mitti poterunt, prae-  
sertim quum breuitati studeam, et modum huic tra-  
ctationi ponendum vt ne excedam, necesse fit.

#### §. XXXXII.

Haec scripferam, dum ab Amico quodam aestu-  
matissimo monerer, argumentum hoc fufe etiam tra-  
ctatum esse a Viro S. R. EBERH. DAV. HAYBERO in tr.  
qui inscribitur: *Ein Theil der göttlichen Absichten bey dem  
Creutzes-Tod des Heilandes, in einigen Betrachtungen über  
die Vergleichung desselben mit der von Mose aufgehengten  
Ebernen Schlange Ioh. III. 14. etc. Lemgouiae 1745. 4.*  
Confiteor, me adhuc libellum hunc ignorasse; spero au-  
tem, fore, vt huius ignorantiae veniam facillime impe-  
trein, quum ne S. V. HUTHIUS quidem, Vir alias in  
historia literaria versatissimus illum viderit: id autem  
ex eo patet, quod ne vnico quidem verbo eius  
fecit mentionem. Perlegi itaque tractatum, atque vi-  
di, S. V. auctorem praecipue ab eorum sententia stare,  
contra quos adhuc pugnaui, in quibusdam vero mo-  
mentis alio et peculiari modo sentire. Quod ergo ad  
ea attinet, in quibus ille Vir S. R. conuenit cum VI-  
TRINGA, HUTHIO cet. ea facile nunc mitti possunt,  
quoniam responsio ad ipsa in praecedentibus a me pro-  
ingenii modulo fuit data. Ea autem, in quibus praeci-  
pue differt S. V. HAYBERVS, iam etiam in censum ve-  
niunt, et breuibus, adiecta mea qualicunque sententia,  
recenseantur, necesse est. Scilicet putat Vir S. V.

I. „Totam hanc disputationem esse inutilem, quo-  
„niam status controuersiae nec recte formatus nec idem  
„ab vtraque parte sit. Quod quidem ex eo pateat, quod  
„prioris et veteris explicationis fautores primi id tan-  
„tum innuere voluerint, Seruatorem se comparasse cum  
„serpen-



„serpente aeneo, non vero se vt eius antitypum consti-  
„tuisse, licet ipsa eleuatio serpentis aenei pro typo cru-  
„cifixionis suae ab ipso fuerit agnita. cf. l. c. Cap. VII.  
„§. 7. ff. coll. c. v. 13. ff., Sed 1) id ex hac ratione ad-  
mitti nequit, quia particulae comparatiuae *ὅτι* et *καθώς*  
in vno eodemque hoc loco non possunt dupliciter accipi.  
Quum ergo illae, concedente ipso Viro S. V. eleuationem  
serpentis aenei vt typicam indicent, necesse est, eandem  
ipsis vim tribuendam esse ratione obiecti eleuati i. e. ser-  
pentis aenei. 2) Ipsa rei consideratio hoc docere vid-  
etur. Etenim actio haec et obiectum, in quo versatur,  
i. e. serpens aeneus, tam arcte inter se sunt connexa, vt,  
vbi illa ad aliam actionem sc. crucifixionem typice est refe-  
renda, et hic serpens aeneus ad obiectum crucifixionis di-  
serte expressum typice referatur necesse est. 3) Quod si  
dicas, totum hoc Seruatoris effatum meram esse compara-  
tionem, neque quicquam typicum in eo latere, respondeo  
N) Id absque ratione sufficiente allata perhiberi, nisi  
forte id in medium afferatur, particulas comparatiuas  
praeter comparisonem nihil plane innuere. Quod ve-  
ro facile refutari potest per instantiam v. gr. Eph. V. 2.  
Gal. III. 29. 2) Id scopo contrariatur, propter quem  
Christus haec attulit. Scilicet Seruator optimus ostendere  
vult, fiduciam illam tenacissimam, qua homines ip-  
sius pro nobis cruci affixi meritum sibi attribuunt, cer-  
tissimum esse medium recuperandae gratiae diuinae,  
quoniam per illam morem gerimus omnem mandato  
et promissionibus eius, remota omni dubitatione et  
haesitatione. Quod quidem ex eo demonstrat, quia iam  
olim DEus in historia illa Num. XXI. 6. ff. commemora-  
ta hac ratione homines a morbo lethali laborantes sa-  
nauerit. Ergo Christus iubet, vt homines de hac fidu-  
ciae suae vi certo se persuasos habeant ex consideratione  
eius, quod in historia de serpentis aenei eleuatione, de  
fiducia in DEum plena cum aspectu eius coniuncta et  
de




de effectibus eius sc. sanitate recuperata legitur. Ergo huius de serpente aeneo historiae consideratio excitare ex intentione Christi debet Christi cruci affixi et cum fiducia ad salutem aeternam impetrandam apprehendendi repraesentationem; Ergo illa pro huius typo a Christo constituitur, adeoque et ita a nobis accipi debet.

II. „Serpentem aeneum imaginem fuisse cherfydrorum. Atqui Cherfydri typi fuerunt Satanae; Ergo serpentis aenei aspectu ad repraesentationem Satanae, victi quam Messiae adduci debuerunt Israelitae potius, et nos etiam debemus.,, Vid. l. c. c. III. §. 6. 13. ff. it. 20. Respondeo 1) Propositio posterior pro axiomate accipitur, sed ex mea sententia non est. Vide a me dicta §. XXVIII. n. 1. 2) Quod ad primam propositionem attinet, illa est ambigua. Vel enim significat: serpentem aeneum forma externa similem fuisse cherfydris, vel: serpentis aenei aspectu repraesentationem cherfydrorum fuisse excitandam ex intentione DEI. Sin prius, id nihil contra me; Sin posterius, ego quidem de eo tamdiu dubito quam firmis rationibus non est stabilitum. Non enim sufficit haec ratio: Quia obiectum A in vno sed per exiguo momento simile est obiecto B, igitur id eam ob rationem existit, vt illius repraesentatione ad huius cognitionem feramur. Accedit, quod multo faciliori negotio repraesentatio cherfydrorum eorumque malignae et lethalis affectionis potuisset excitari, si DEus siue mirabiliter siue per Moysen vnum ex illis ipsis cherfydris perticae affixisset. Neque credo, rationes eas sufficientes esse, quas Vir S: V. c. VIII. 1. attulit, vt ostendat, id maxime incommodum, et forsan adeo impossibile fuisse. 3) Non video, quomodo, cherfydri fuerint victi per eleuationem corporis alicuius aenei figuram cherfydri referentis?

Ceterum,



Ceterum, si alia quaedam forte occurrant in hoc libello momenta, quae hic in censum veniunt, credo, ea facile ex iis diiudicari posse, quae hac de re adhuc in medium attuli. Quare iis vberius excutiendis merito superfedeo, quum breuitati sit studendum. Ceterum ingenue confiteor, me in eadem tractatione multa reperisse solide atque eleganter tradita, pro quibus et ego Viro S. V. maximas debeo atque habeo grates, et habebunt omnes, qui in hac re, quae sane maximi est momenti et cum salute nostra aeterna nexu indiuisso coniuncta, magis magisque erudiri cupiunt. Nihil ergo reliquum est, quam ut L. B. ea, quae scripsi, aequi bonique consulat, et si quando lapsus fuero, ingenio ignoscat et errores commonstret, quo in posterum ab iis cauere mihi possim.



NOBILISSIMO ATQUE PEREXIMIO

IV VENI

IO. LVD OV. SCHLOSSERO

S. D.

CAROLVS GOTTHELF. MVLLERVS.


**I**n dulcem amicorum, qui TIBI, qui orbi erudito, qui patriae, de singulari, quam in nostra academia partus es, doctrinae gloria gratulantur, societatem me quoque venire amice iubes, AMICE DESIDERATISSIME! Atque etiam in cathedra philosophorum, quam nunc conscendis, eruditionis tue ris laudem, quam in illustri, quae Ienae floret, Societate Teutonica TIBI adquisuisti orator et poeta; insimulque praeclaro tuo confirmas exemplo, elegantiorum litterarum studium a sublimioris doctrinae cultu, neque esse, neque facere quemquam,

G

alienum



alienum. Quod de TE augurari mihi licuit, quum TE primum salutare Nostrum, iam ex voto euenisse laetus intelligo. Spem enim, quam de TE conceperam, fore, vt non elegantioribus modo, sed altioribus etiam, aliquando emineas studiis, iam imple, immo prorsus superas. Cuius partae virtutis publicum me esse posse testem, dum opponentis spartam mihi detulisti, laetor admodum; testis autem ero, quem dignitatis TVAE laudes, non vero amicitiae amor, reddunt eloquentem. Nec aliorum, multo minus amicorum, ille indiget commendatione, quem propria virtus, quem doctrinae pulchra commendant specimina. Quibus exornatus, quum omnium bonorum mereris, TIBIQUE IPSE prolixè concilias fauorem: neque mihi amplius quid relictum esse sentio, quam vt publice declarem, me quoque TYBI esse addictissimum. Vale, et, qua emines, gloria diutissime fruiere! Scrib. Ienae d. XXVIII. Martii MDCCCLVIII.



NOBILISSIMO ATQVE DOCTISSIMO  
RESPONDENTI  
IOANNI LVDOVICO SCHLOSSERO

FAVTORI AESTVMATISSIMO  
AMICO SVAVISSIMO

S. D. P.

P R A E S E S.

**N**eminem, credo, fore, qui miretur, me a TE petiisse, vt in cathedram philosophicam me comiteris atque disputationis actui publico nouum, idque pereximium concilies tua praesentia decus atque ornamentum. Scilicet hoc amicitiae atque fauoris tui in me vt rogaem documentum,

reue-



reuerentia fuasit, quam et beato Parenti T V O, Theologo, dum viueret, summo, iam vero, quum inter coelites versatur, omnium consummatissimo et splendidissimae Genti WINCKLERIANAE debeo, cuius T V dignus existis cognatus; iussit autem amor isque tenerrimus, quo te sum amplexus, ex quo te videre atque penitus inspicere mihi datum fuit. Petii ergo, nec frustra id factum esse mirum in modum laetor; et, vti par est, gratissima mente agnosco. Etenim inde auguror, TE, VIR DOCTISSIME! et in posterum talem mihi TE praestitutum esse, qualem pro singulari et T V A humanitate adhuc exhibuisti, Fautorem atque Amicum in paucis aestumatissimum. Qua quidem certissima spe fretus futuri temporis cogitationem mente iam concipio suauissimam, quo post reditum in Patriam communem, quem TIBI maxime honorificum et felicem diuinor, amicitiae nostrae sensu praesenti et dulcissimo iterum afficiemur. Quod quidem vt fieri possit, Numen, quod in coelis est, benignissimum supplex oro atque obsecro, vt conatibus T V I S laudabiliter et cum felici successu susceptis porro faueat, TEQUE et erudito orbi et Patriae Illustri et splendidae Genti certissimum aliquando decus et ornamentum conferuet. De me autem ita velim statuas, vt non tantum ad quacuis officiorum genera TIBI praestanda paratissimus futurus sed et amicitiae atque fauoris T V I memoriam eo animo semper sim seruaturus, vt nihil eorum negligam, quibus me amore T V O dignum magis reddere possim. Scripsi Ienaed. I I I I. Apr. A. R. S. C I O I O C C L V I I I I :



V I R O  
NOBILISSIMO DOCTISSIMO  
D E F E N S O R I  
HVIUS LIBELLI DEXTERRIMO  
FAVTORI AMICO

S. P. D.

M. IO. NIC. KIEFER.

**P**ostquam strenue adhuc et impigre litterarum sacris initia-  
tus es PRAESTANTISSIME SCHLOSSERE, iam de-  
mum, necessariis instructus, ingenium viresque expertum is,  
profectus, quantos feceris, fecisti vero maximos, publice de-  
monstraturus. Praeclarum sane liberalis ingenii testimonium!  
Neque ego, quin sis egregie dextreque praestiturus, vllus du-  
bito, vel etiam possum dubitare. Ita enim semper cum Mu-  
sis versatus es, vt nemo ipsis familiarior, nemo illis dignior  
TE vel adscenderit in cathedram vel laudibus ornatior descen-  
derit. Itaque gratulor TIBI, ORNATISSIME VIR, de hoc  
honore publicisque acclamationibus, quae mox TE magno  
plausu excipient: et iure gratulor; primum, quod in his litte-  
ratis certaminibus exerceri in se pulchrum gloriosumque est;  
deinde, quod certamen ipsum cum utile, tum hoc quoque  
praestans et insigne est, quod semper inde honores augurari  
liceat. Nec minus id ipsum mihi dignum gratulatione videtur,  
TE tam egregium cum PRAECELLENTISSIMO PRAESIDE  
disputationis argumentum nactum esse, quod quippe bene tra-  
ctatum, gloria carere non potest. Itaque gratulor et OPTI-  
MIS PARENTIBUS; et patriae item, diu clarissimis nomini-  
bus insigni, cuius rem TE aliquando egregie ornaturum esse  
confido; et mihi etiam, quod pulchram hodie occasionem  
nanciscor, publice TIBI declarandi, quanti TE et TVVM  
in me fauorem faciam. Vale dabam d. IIII. April.  
CIO IOCC LVIII.



*An des Herrn Adjunct Nöltings  
Hochedelgeboren.*

**V**ergieb, o theuerster Freund, dem Eifer der zärtlichsten  
Freundschaft,

Wenn sie beinahe ~~im~~ strafenden Thon  
Dich, ob die Tugend Dich gleich mit starkem Arme beschützt,  
Doch hart und grausam, und ungerecht nennt.

Ich weis, du vergiebst; denn Kaltsinn waer hier ein Fehler,  
Und freundschaftlich Feuer ist Tugend und Pflicht — —  
Kaum fand Dich mein Herz, kaum ist die Treue beschworen,  
Kaum hatt' ich mit Freuden den Vorzug gesehn,

Den Dein Verstand und Scharfsinn und Witz vor vielen Dir  
giebet,

Und den Du durch Wissenschaften erwirbst;  
Und doch ist dis nur die schwachre Seite des Bildes, noch schoener  
Ist Deines Herzens Groesse, o Freund!

So hat Dich mein Herz erst erkannt; schon fliehst Du mit  
eilenden Schritten,

Aus der Freundschaft Umarmungen fort:  
Und um den Schlag zu verdoppeln, wird Deine Schrift noch  
ein Zeuge

Wie viel mir Dein Abschied, o Bester, entzieht.

Hier scheinst Du grausam und hart; doch Dich entschuldigt  
mein Herze — —

Dir gab Saline Wuerden und Ruhm,  
Auch diese Schrift und ihre Vertheidigung im Streite,  
Ist eine Quelle der Ehre fuer Dich.

So gehst Du mit Ruhme bekroent in die erwartenden Arme  
Deiner BESTEN ELTERN zuruek





*Die Freudenthraene fließt schon, schon eilt Dir Ihr Segen entgegen  
Und neue Belohnungen warten auf Dich.*


*Dis ruft die Ruh in mein Herz, ich mein eine Thraene der  
Freundschaft,*

*So will es mein Herz, so forderts die Pflicht.*

*Denn seß ich mit Freuden Dir nach, Du folgst dem Befehle  
der Vorsicht*

*In Hamburg wartet ihr Segen auf Dich.*

*Erdman Siegmund Basch.*



PRAENOBILISSIMO ATQVE DOCTISSIMO

R E S P O N D E N T I

FAVTORI ATQVE AMICO SVO

AESTVMATISSIMO

I O. L V D O V. S C H L O S S E R O

S. P. D.

G E B H. F R I E D R. S A S S E,

H O L S A T V S

S. S. T H E O L. C V L T.

**I**n novum nunc campum tendis. Non contentus de laude,  
quam TIBI iam dudum per specimina ad artes ingenuas  
pertinentia comparasti, ex Philosophorum Cathedra honorem  
quaeris. Gratulor TIBI de consilio TVO, certe persuasus, TE  
ex Cathedra illa cum maximo auditorum applausu abiturum esse.  
Nihil magis mihi est in optatis, quam ut omnia, quae in poste-  
rum conaberis, feliciter TIBI eueniant, eademque, quae in  
hunc usque diem amplexus es, benevolentia atque amicitia nullo  
non

✕      ☉      ✕

LV

non tempore me perfrui velis. Ad me quod attinet, neque abitus meus mox sequuturus, per quem suauissima TUA consuetudine priuabor; neque vllum vnquam impediet quo minus TIBI semper sim totus. Dabam Ienae III. NON. Aprilis. A. R. S. CIO-IO CCLVIII.

---

**P**ermit me, Dear Sir, that even J may wish You Joy to the publick Proof, You are going to give again of Your known Ability. My Satisfaction is the greater, having obtained the Opportunity to tell You publickly, what has been so often the Contents of our friendly Conversations. J esteem You, J love You. J wish nothing so much, as the Continuation of that Friendship, You have thought me hitherto worthy of. Grant me this, and be assured, that J never shall fail, to do all, what lies in my Power, to shew my self not quite unworthy of it, an that J at least never will cease to be.

*Worthy Friend,*

Jena April the 3d

1759.

Your most obedient humble Servant  
& faithful Friend

JOHN HENRY MEYER

Student in Laws out of Holstein

*Monfieur*



*Monsieur,*

L'amitié que nous avons cultivée dès notre enfance, et qui, comme je l'espère, durera autant que notre vie, m'engage à Vous faire mon compliment sur l'occasion présente. Vous allez nous donner de nouvelles preuves de Vos progrès dans l'étude des Sciences. Je m'estime heureux, puisque Vous avez bien voulu me choisir pour l'un de Vos Opposants, de trouver de nouveaux sujets de m'instruire et de Vous admirer. Mais j'estime notre chère Patrie encore plus heureuse, de pouvoir se flatter de retrouver un jour en Vous le digne Fils d'un Père respectable, dont les vertus et le profond savoir méritoient de plus longs jours.

Tels sont, Monsieur, les véritables sentiments de mon cœur: Vous me ferez la grace d'en être bien persuadé, comme de la tendre et sincère amitié avec laquelle je serai toute ma vie,

*Monsieur,*

à Jena ce 3 Avril

1759.

Votre - très humble Serviteur  
et véritable Ami

JEAN CHRISTOFLE GREVE

Hambourgeois  
Etud. en Théologie.



